



Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt VII. Complurium Episcoporum querimoniae ob leuia de disciplina
Decreta. Variae suspiciones ex proximo Gallorum Praesulum aduentu.
Postulata Galliae Oratorum, Tridenti ac Romae interposita, ad ...

urn:nbn:de:hbz:466:1-11718

1562. zio, cùm animaduersum esset, in nauigationibus, aliisque rerum conditionibus, cùm Sacerdotis, vel sacra supellectilis defectu sacrificare non licet, eam aspectabilem Sacrificij expressionem plurimum conferre ad excitandam in animis pietatem, qui ut etiam supra sensus uehantur, sensibus indigent.

Adiectum est præter res expositas, Ordinariis facultatem tribui,¹¹ tamquam à Sede Apostolica delegatis, statuendi quidquid in ea re consentaneum putarent, obstringendique populos censuris, tametsi priuilegia & appellations obstant.

Quamquam cælum incorruptionis expers sit, nihil est in terris tam prouum ad corruptionem, quam quæ maximè cælestia sunt.

C A P V T VII.

Complurium Episcoporum querimoniæ ob leuia de disciplina Decreta. Variæ suspicione ex proximo Gallorum Præsulum adventu. Postulata Gallæ Oratorum, Tridenti ac Romæ interposita, ad retardandas sanções, illic reiecta, hic Præsidum arbitrio remissa. Pares Cæsarianorum petitiones. Legatorum consilium. Nouæ propositionis forma parata de Calicis confessione.

Quæ de reformanda disciplina fuerant proposita, per se quidem haud grandia, multò magis decreuerunt eorum oculis qui aut abundantiam voluntatis, aut penuriā experientiæ ab amplissimo illo conuentu paucos intra dies aliam hierarchiam, alium rerum ordinem sibi spoderant, ac tenuiora postmodum euaserunt, recisis tribus præcipuis memoratis capitibus. Neque videbatur, post tot menses, ac tot Sessiones, tandem aliquando à Concilio gressibus quasi pueri debilis timidiq[ue] esse incedendum. Accidit itaque^a, vt ea in confessu compluribus irrisiōnis potius indignationisque, quam examinis argumentum extiterint. Certiore de re factus est Borromæus per arcanae notas à Vicecomite^b, ac liberiūs per communes litteras à Legatis^c, fortasse quod Pontifex famæ zelotypiā, quæ affectio plus quam in ceteros dominatur in Principes, imponeret Simonettæ, præcipuo illius ædificij architecto, vt inciperet ipsum supra solum attollere, nec materiam preberet adagio, *Qui sero dat, diu non vult.* Qui liberiūs acrisque obloquebantur, erant Transmontani cuiusvis regionis, quippe quibus

^a Præter alias scripturas epistola Iadiensis Archiep. 24. Septemb. 1562.
^b 16. Sept. 1562.
^c 13. Sept. 1562.

1562.

quibus cùm inesset minor communicatio cum Aula Romana, minor pariter inerat & benevolentia & notitia. Parisiensis Episcopus exprobabat, formosiores ponderosioresque morum emendationes anno superiore in Galliæ conuentibus fuisse confectas: quin per acerbiorum collationis formam componebat leues disciplinæ leges Tridentinas, cum adeò grauioribus Basileensibus. Alia dixit, Rem assimilari posse curationi medicorum, qui ægrotō præualidis remediis indigenti exteriorem aliquam inunctionem admouent. Ioannes Suarius Augustinianus, Conimbricensis Episcopus, & Parisiensis, quem diximus, significarunt, emendationem in capite atque in membris habendam esse. Ad hanc sententiam adiecit Franciscus Blancus Episcopus Auriensis, Pontificem quoque obstringi legibus Concilij, non quidem secundū vim *coactinam*, sed secundū vim *directiū*, prout Canonum Doctores loquuntur, cùm Synodus in caput suum potestatem non habeat, sed idem caput naturæ lege teneatur, vt se cum reliquis membris conformet in eo quod ipsum non dedebeat ob propriam capitis conditionem. Et quemadmodum fieri solet, vt ex multorum sermonibus in cœtu mirificè crescat audacia in singulorum linguis; eadem libertate utilitatis studia actionesque in suis profanis Principibus perstrinxerunt. Proinde Blancus idem inuetus est in nimia Cruciatæ priuilegia, ad quam moderandam, sicuti vidimus, Pontifex plurimū propendebat, modò cum bona Regis Catholici pace, aut motu proprio Synodi id efficeretur. Et Drascouizius, qui alias improbarat electiones Episcoporum, quæ interdum contingebant, & monitus ea de re fuerat à Præsidibus, suam mentem tunc aperuit, se nimirum fuisse locutum de nominationibus ad Ecclesiæ habitis à profanis Principibus, cùm iij nonnumquam proponerent homines nec doctos nec dignos; vt propterea essent à Pontifice reiiciendi, quippe quod melius tiaræ consuluisset, si capiti alicuius è suis famulis illam imposuisset.

2. Hi obloquentium susurri, aliique iam à nobis sparsim expositi effecere, vt Gallorum Ecclesiasticorum aduentus, adeò sollicitatus à Pontifice, à Legatis adeò optatus, tunc ab utrisque formidaretur, verentibus, ne cum Hispanis Transmontanisque coniuncti, ad noua quædam obtinenda, minimè conuenientia, vim impenderent. Et iam ex Galliæ & Antuerpiæ litteris rumor^d manauerat, à Lotharingo Cardinali non modò Calicem postulatum iri, sed sacrarum imaginum amotionem. Nec admodum grata ipsi Pontifici nuntiabantur de iis, quæ animo agitabant illi Præsules, eorumque Dux

Pars III.

T

Lotha-

^d Ex arcans
litteris Vice-
comitis ad
Boron cum,
17. Septemb.
1562.

1562.
e Arcanæ lit-
teræ Bor-
rom. ad Le-
gatos ,
22. Augusti
1562.

Lotharingus: magnum numerum Præsulum coire cum quamplu-
rimis Doctoribus, quod cum aliis variarum nationum consociati,
possent Italicos Præsules opprimere; quamquam Ferrarensis Car-
dinalis scribebat ex opposito, eam frequentiam haberi ex æmula-
tione Hispanorum, de quibus Lemouicensis Antistes, ex Hispani-
ca legatione regressus, narraverat Parisis, aliam Præsulum plenam
cohoret parari, Tridentum petituram; se tamen credere, eos re-
ipsa non ituros, cum tam multas difficultates in præcedentium mis-
sione experti fuissent; unde fieret, ut in Gallia frequentia studium
vnâ cum æmulatione deferueretur.

Verum de Lotharingo eiusque consiliis suspicio, umbras altissi-
mas densissimasque diffuderat. Hinc iactabatur, eum nolle prouin-
ciam illam suscipere: hinc ea ipsa dissimulatio indicio erat, sub ne-
gotio quod maior dabatur opera ut minus corticis detegeretur, eò
amplius profunditatis latere, cum certò sciretur, eum non solùm
habere in animo Tridentum adire, sed confidere, præter Gallos,
Germanorum & Hispanorum etiam se acturum Principem: quæ
verisimilius erat illum assuetum ob adhibita à Lansaco studia,
quod Vaticanæ Purpuræ fieret particeps Archiepiscopus Granaten-
sis, atque is posteā simul cum Lotharingo Synodi Legatis adder-
etur. Verum id quod supra reliqua suspiciones auxerat, fuerat epi-
stola, quæ in manus Pontificis deuenerat, à Lotharingo scripta suo
chirographo ad Ducem Wirtembergensem: officij ac submissio-
nis plena ea cernebatur, Ducemque securum reddebat, Regios
Consiliarios de Prædicantibus nihil umquam aliud cogitasse ac
voluisse, nisi statum ciuilem componere, & auctoritatem Regiam
sustinere. Plurimum ad id posse conducere conuentum idoneum,
& fructuosam morum emendationem; ad quod efficiendum præ se
ferebat Lotharingus animum cupidissimum conueniendi in ali-
quem conuentum, quem in Germania Cæsar conuocaret. Affirma-
bat, in Synodo nihil decretum iri de dogmatum controv ersiis, ni-
si ad proximam hiemem: id se pro sua virili parte conaturum, & in
idem conuenire mandata Gallicis Oratoribus tradita. Hæc itaque
à Lotharingo scripta ex quadam sua gloriæ cupidine, & quod ipse
communis tranquillitatis auctor videretur, prout ex iis quæ gessit
compertum est, suspicionem rationi maximè consentaneam incu-
tiebant, quod ipse noua foueret molimina, in quæ & sui Regis auctor-
itas, & aliorum Principum Præsulumque Transalpinorum studia
conspirarent; ut proinde non promoturus ille Synodus, sed ipsam
oppressurus esset. Id circò Lotharingi & Gallorum accessus ingen-
tem

tem metum inferebat Pontificiis, eumque vehementiorem Reli-
gionis studiosioribus. Quapropter etiam Seripandus, vir alioquin
ab humana utilitate vel maximè alienus, & potius in studio Reli-
gionis immoderatus^f, necessariam putare cœpit aut Synodi absolu-
tionem ante illorum aduentum, propositâ Borromæo Cardinali
rei confiendæ ratione, aut certè illius translationem in eiusmodi
locum, vbi posset adesse Pontifex, qui per maiestatem suavitate
temperatam, sibi Episcoporum animos deuinciret, magis ipsis gra-
tificaturus, et si parum suâ manu porrigeret, quâm si plurimum
per ipsos confiendum permetteret: vbi verò Synodus protrahere-
tur longius, Seripandus ipse, aut defessus aut pauidus, dimissionem
petebat, cum iam prope finem dogmatum deuentum esset, quibus
dumtaxat idoneus censeri poterat.

1562.

^fLitteræ Se-
ripandi ad
Borrom.

6. Septembri

1562.

⁴ Per eam opportunitatem, quâ Romæ considerando ille propo-
suit tumultus ab aduentu Gallorum imminentes, summoperè com-
mendauit Borromæo Cardinali Mantuanum, qui Lansaco iterum
flagitanti prolationem, eâ libertate, eâ constantiâ, eâ dignitate re-
pulsam dederat, ut scripserit Seripandus, optasse se, illius respon-
sioni vniuersum Collegium præsens adesse. Res ita se habuit.

⁵ Significauerat Lansacus Præsidibus^g, certum exploratumque si-
bi esse, Lotharingum Cardinalem cum comitatu sexaginta circi-
ter Episcoporum, præter aliquot Theologos egregios Sorbonen-
ses, ad futurum Concilio ante Octobris exitum; simulque quâm
poterat efficacissimas preces nomine Regis adhibuerat, quod tam
breui temporis spatio doctrinæ definitio protraheretur; quod aie-
bat nulli futurum detrimento celeritati, cum interim possent re-
rum argumenta digeri, quod maior poste à ipsarum numerus decide-
retur: & quod præcipuum petitioni obstatum arceret, plurimis
rationibus studuerat certos reddere Præsides, Lotharingum ac so-
cio eo animo accedere, ut in unum cum ipsis coalescerent, iisdem-
que ac illi animis atque operâ id conficerent, quod in Dei obse-
quium & Ecclesiæ commodum conduceret. Verum Legati, quem-
admodum suprà indicatum est, & sua ipsorum sensa, & mandata
Pontificis admodum opposita postulatis habebant: quin eo quod
pro freno prius adhibebatur, in calcaria conuerso, ab ipso rumo-
re de Gallis aduentantibus impellebantur ad maximè festinandum,
quod illos præuerterent, ad id quoque stimulati superuacaneis qui-
dem, sed frequentibus adhortationibus Borromæi^h. Adeò ut Ro-

^g Extant
cuncta in e-
pist Legato-
rum ad Bor-
rom. 3. Se-
ptembri, &
in altera Lan-
saci ad Insu-
lanum, 7. Se-
ptembri
1562.

T 2

^h Apparet ex
dictis litteris
Borrom. ad
ma

Legatos, 22. Augusti, & aliis antecedentibus & consequentibus, & ex aliis responsionibus Legatorum ad
Borrom. 27. & ultimo Augusti, & 3. Septemb. 1562.

1562. mæ displiceret, eos adhæsse suadentibus, ante Canones esse præmittendam explicationem doctrinæ, quasi sarcinas celerem progressum impedientes. Quamobrem in rebus in posterum sancientis statutum est, tametsi postea non omnino præstitum, explicacionem omitti: & iam quod Cæsari celeriter satisficeret, excerpta fuerant ex volumine, quod ille miserat, varia capita, proponenda in securita Sessione, in qua erat animus coniungendi duo Sacraenta, Ordinis & Matrimonij, nondum expensa; aut certè in duas Sessiones sibi proximas diuidendi, quod Galli theatrum ingredierentur post finem dramatis, aut ad ultimam scenam.

Itaque ad Lansaci postulatum Legati apud animum suum certi responsonis, confuetum ad eam reddendam spatium petiere, quod illam benè perpensis rationibus instruerent; postea vero per Mantuanum eam reddidere secundum alterius prius datæ sententiam, graui Oratoris molestiæ, qui animaduertens paratarum rerum mas- sam adhuc indigestam, & quæ, prout ipse opinabatur, digeri non posset eo breui tempore quod ante Sessionem præscriptam supererat, adeoque prolationis necessitatem agnoscens, & tamen accuratissima studia, quæ adhibebantur, quod per ipsam operam à breui spatio diuturnum æquaretur, in suspicionem incidit haud fallacem, eorum consilium non esse, vt res protraheretur ad expeditandos Gallos tamquam optatos adiutores, sed consilium esse, vt festinaretur ad ipsos præuertendos, quasi formidatos aduersarios. Suam hanc opinionem aperuit ipse per litteras Insulano Romæ degenti, conquestus, id confilij nimis aduersari promeritis illorum proborum Præsulum, & illius optimi Cardinalis.

i In predicta epistola, 7. Septembris.

Et quidem Legati satis animaduerterunt, Tridenti susceptum, ab ipsis consilium acerbius accidere palato, quam præ se ferebat oris motus, cum per repulsam ac festinationem Rex atque natio ipsorum illis despici videarentur. Quare tametsi Lansacus in postulatis regio nomine exponendis tantumdem modestiæ, quantum efficacia adhibuisset, dubitarunt Legati*, ne illa ad hanc augendam fuisset adhibita, quod per accessionem benevolentiae facilior imprecatio redderetur; & vbi deuentum esset ad opus, & preces animaduerterentur inutiles, ad denuntiationes secessionemque fieret transitus, non sine graui perturbatione ac periculo schismatis. Addebatur, indicia conspiciri à Legatis, Cæsarianos quoque institutos postulato, cum fuisset à Borromæo missum ad Legatos exemplar epistolæ, sicuti dicebatur, à Cæsare ad eos scriptæ, tametsi nondum ad ipsos delatae, quâ illi vehementer flagitabantur hanc moram de argu- mento

k In epistola Legatorum ad Borromæum, 4. Septemb. 1562.

1562.

mento Sacrificij, tantisper dum conuentus Francofurti destinatus absolugetur. Idque à Cæsare fieri credebatur, quemadmodum anteā indicauimus, quod vereretur, ne prægressa illorum dogmatum sanctio Septemuirorum Protestantium animos adeò perturbaret, vt obstacula iniiceret electioni, quâ ipsius filius Romanorum Rex renuntiaretur, ad quod in eo conuentu votis omnibus aspirabat. Et sanè maiori adhuc sollicitudine premebantur Præsidēs, quod in exemplo epistolæ, quam diximus, affirmabatur, in eadem vota cunctos Principes conuenire: quare videbatur Cæsar concorditer cum Gallis, & fortasse cum aliis nondum patefactis se gerere.

8 Eapropter Legati sui esse muneri censuerunt, ea omnia per expeditum tabellarium significare Pontifici: verū ne quid apud illum gratiæ existimationisque sibi detraherent quasi trepidi ac titubantes post tot ab eo confirmatas iussiones, in hanc sententiam scripserunt: Cùm ipsi iuberentur à Pontifice, ne quid moræ interiicerent cuiusvis efflagitantis causâ, se quidem obtemperatos fuissent, nisi nouis mandatis aliud sibi præscriberetur. Idcirco de iis quæ interuenerant, ipsum à se mature moneri, quod si forte vellet ex eiusmodi notitia sua mandata siue absolutè siue sub conditione ante Sessionem mutare, in ipsius effet potestate. Et contigit, ut similem postulationem acceperit Pontifex ab Insulano¹: sed easdem illi rationes obiecerat, quas Tridenti Lansaco Legati.

9 Per eos planè dies Pontifex præclarâ commendatione in Senatu exornauerat Mantuanum, cuius prudentiæ dicebat à se acceptam refiri plurimam concordiam, in quam Patres conuenerant; nec opportunitatem omittebat suæ beneficentiaæ ipisis Episcopis exhibendæ, concessâ illis sèpiùs Sacerdotiorum collatione, quæ mensibus iuri suo addictis vacabant: & quamquam eorum complures id quasi artem interpretarentur quod illos sòpîret, non tamquam benevolentiam quod ipsis benefaceret, tamen apud hos etiam conducibile illuderat: etenim semper demum eos diligimus, qui nobis gratificantur, & honorem exhibent.

10 Verū Pontifex ad aduentum noui Præsidū tabellarij, graui curâ correptus est, & perpensis vndique incommodis ac periculis consilia moderatiora suscepit, Legatisque rescribi iussit; Quamuis ipse Gallos minimè aduenturos putaret, tamen considerabat, satius esse vberiorem in eos etiam comitatem præstari, qui perpetram eadēm vtebantur; eoquè magis, ubi agitur de rebus tam ingentis momenti in Diuinum obsequium, ac bonum publicum; præterquam quod cernebantur eò simul ferri vota Cæsaris: nec reipsa

¹ Acta Palaeotti.

^m Epist. Borrom. ad Legatos, 11. Septembribus, cuius postea fit mentio in arcana epist. Vicecomitis ad Borrom. & in litteris Legatorum ad eundem, 14. Septemb.

graue 1562.

T 3

1562. graue detrimentum agnoscebatur in retardandis Decretis de Sacrificio, quæ ad Sessionem futuram seponabantur, ad quam nec plus minūsve parabantur reliqua argumenta; adeoque nihil ea de causa protraheretur Concilium. Idcirco eam moram in Legatorum Patrumque iudicio à se reponi, in quorum arbitrio ut reponeretur, idem Lansacus petierat: quod in se erat, huiusmodi concessio-
nem sibi non improbari.

Tridentum peruenit ea responsio die decimo quarto manè, nimirum tertio ante præfinitum Sessioni diem, eaque confessim à Mantuano ostensa est Vicecomiti, qui cunctis eloquentiæ suæ neruis Legatos ab ea cunctatione dehortatus est. Ipsi verò prolixo habito consilio in eamdem sententiam conuenere, Borromæo describentes, se post collatum illius epistolæ tenorem cum superioribus mandatis, existimasse, mentem esse Pontificis, promulgationem Decreti de Sacrificio retardandam non esse absque obstaculo prævalido atque cogente: vbi verò huiusmodi necessitas vrgeret, dilatationem à Pontifice neutquam damnatum iri: se igitur ad eam normam operatueros. Sperare quidem, tam durâ necessitate minimè præpediendo, mandatum verò arcanissimè occultaturos. Quod arcanum à Legatis custoditum, indicat errorem Suavis, scribentis, non solùm id ipsis commissum Lansaco Romæ illud postulante, sed eidem à Pontifice responsum fuisse, illud ipsum Patrum suffragio permitti. Quin in Acta Paleotti, vti adnotauimus, relatum est, datam fuisse Oratori repulsam à Pontifice. Sed Suavis ignorantia tum de his Aëtis, tum de voluminibus litterarum, quæ vltro citroque inter Legatos & Borromæum scribebantur, effecit, vt absque magnetica pyxide nauigaret, & sèpè vnam pro altera regionem signaret. Memoratam spem Præsides fecere Pontifici, ipsos minimè præpeditum iri, propterea quòd cùm Pontificium responsum rediit, diminutus in ipsis fuerat metus futurarum in Sessione turborum. Ex Gallorum parte minæ haud exaudiebantur: epistola Cæfaris, de qua dictum est, numquam ad ipsos deuenerat; & Episcopus Quinque Ecclesiarum magnâ modestiâ vtebatur, pro eo quod ussuuerit ne vociferetur, cui rogare necesse sit. Tunc ille, ut cùm maximè & desiderio & studio impetrandi Calicis feruescebat, omniq[ue] fiduciâ in Præsidum fauore collocatâ, postquam Episcoporum duritiam expertus fuerat, nolebat illos in altera causa tamquam oppugnator irritare, dum oportebat eosdem in altera tamquam patronos suos inuocare. Præterquam quòd cunctationis impatiens, cuius causa paulò pòst innotesceret, ipsos ad aggressionem exti-

extimulauit, integro exercitu non expectato. Etenim si rei propo-
sitio usque ad Gallorum aduentum fuisset prolata, fautorum fre-
quentia & auctoritas procluuiorem concessioni viam strauisset.
Omnes igitur conatus ad celerem consequendam victoriam ille
conuerteratⁿ, cupidus saltem, ut Synodus per seipsum Bohemiæ
Calicem indulgeret: quod consilium aliâs propositum à Pontifi-
ce, Præfides tunc amplexati non fuerant, quippe quod nimis infra
petitionem ac spem Cæsarianorum videbatur. Atque idcirco non-
nemo^o in Draſcouizio, qui alioqui partes omnes solertiae ad rem
perficiendam expleuit, maiorem in temperando postulato pruden-
tiam desiderauit.

ⁿ Ex literis
arcaniis Vice-
comitis ad
Borroméum,
14. 16. &
17. Septem-
bris 1562.
^o Acta Pa-
leotti.

12. Etenim si principio illud ad Bohemiam coartasset, cùm ad id
etiam accessissent tum iij omnes Patres, qui absolute illi suffragati
sunt, tum iij, qui cum huiusmodi limitatione consensere, tam ple-
num agmen vna conflassent, ut multos ex titubantibus, & sub
conditione fauentibus, ad se pertrahere potuissent; præsertim quia
erga solos Bohemos suam vim efficacissimam obtinebat exem-
plum Synodi Basileensis: & se inclinante Pontifice ad id consilij in-
dicandum, Legati liberiū studuisserent illud suâ operâ promouere,
lucraturi ea de causa complurium suffragia, qui rem in Pontifice
reponebant, & qui proinde illius consilio acquieuerint. Et cete-
roquin id satis esse Cæsari videbatur, ut qui acerrima omnium po-
stulata à Bohemis accipiebat, præterquam quod habetur in narra-
tione Musotti, datum sibi fuisse negotium à Lotharingo (cùm ipse
in familiam ab eo adscriptus post mortem Seripandi, ab eodem
Roman missus est, sicut indicabitur) ut Pontifici significaret cau-
sam potissimum, cur adeò Ferdinandus exarserat in eo petendo,
fuisse spem trahendi hoc pacto Maximiliani, sui primigenæ, ad Eu-
charistię sumptionem, à qua duos iam annos abstinuerat. Quare
id si verum fuit, quod equidem affirmare non ausim, etiam con-
cessio ad solam Bohemiam restricta Cæsarem sui præcipui voti
compotem fecisset. Aliorum opinio fuit, à Draſcouizio ex arte di-
latatas fuisse petitiones, rato, in hisce negotiis transfigendis parem
esse rationem ac in contractibus agitandis, in quibus ad iustum ob-
tinendum, immoderatum petendum est: atqui subtiliori quadam
ratioincatione vtebantur. Obseruabant ex opposito, rem benè pro-
cedere in iis quæ alter postulat ab altero. Principe, vtpote qui post-
quam plurimum negauit, ad emolliendam acerbitatem repulsa,
minus se difficilem ad parum concedendum se præbet: sed non ita,
ybi res est cum hominum cœtu, qui si semel in alterum extremo-

rum

1562. rum cucurrit per argumenta à se producta atque audita, illi parti fauientia, tam firmiter in eo pedem figit, ut ad omne medium pene inflexibilis euadat.

Atque huiusmodi tunc esse statum Concilij Præsides intelligebant. Quamobrem Drascouizum, tametsi per summum laborem, ab eo consilio retraxerunt; non tamen ipsius postulatum adeò moderari poterant, vt illud probabilis impetrationis spem faceret. Ipsum cohortati sunt, ut expeditiorem agendi rationem iniret, in quam maior pars animi propensionem indicarat, nimirum, utri deliberatio committeretur Pontifici, cui liberiùs licuisset petitio ni indulgere, postquam Synodus, quamvis illam minimè comprobasset, non tamen pariter eam improbarat, sed in ipsius arbitrio reposuerat; quām licuisset anteā, cum se reprehensionibus obiectasset ob derogationem legis ab uno Concilio constitutæ, non auditæ alterius denuò coacti sententiā. Sed auditæ ultra modum appetentior plurimi, nonnumquam sibi sit obex ad consequendum quod sufficit. Drascouizius post multam suspensionem petuit, saltem ut postulata proponenda à Paleotto, iam iterum ex Praesidum monitis digesta, ita reformarentur, ut Synodus dum concessionem Pontifici remitteret, sui etiam pondus consilij superadderet. Legati vero tametsi & intelligentiae suæ lumine, & aliorum admonitu repulsam præfigirent, nihilominus ut Oratori morem gererent, postulati mutationi consenserunt^r, conspicati, numquam illi tamquam idoneum consilium probatum iri id quod ipse repudiabat, nisi vbi experiretur ineptum id quod amplectebatur. Ad hanc itaque sententiam redacta est rei proponendæ formula: *Cum animaduerteret Synodus, se non posse per seipsum quod postulabatur decernere, illud in summi Pontificis arbitrio reponebat; qui præmissis diligentiss, quas opportunas censuisset siue cum conditionibus iam recitatis, siue cum aliis, pro sua prudenter rem concederet, rationi consentaneam ratus etiam secundum sententiam, consilium & comprobationem Synodi.* Sæpè magis necessarium est bono publico, ut nos quispiam diligat, quām ut idem bonum obtineat, adeoque honestum est in eo etiam amico morem geri, quod ipsius obstitutum bono prænoscitur.

^r Litteræ ar-
cane Vice-
comitis ad
Berromēum,
17 Septemb.
1562.

CAPVT

8